

沈氏三先生文集

三

沈氏先生文集

生文集卷第八

卷第八

上殿薦馮京劄子

舍人院連署奏乞召張瓌還職狀

薦胡宗愈呂惠卿劄子

薦呂惠卿孫侔常秩狀

上殿薦王回孫侔常秩劄子

薦孫侔狀

乞舉府界知縣劄子

乞罷府事劄子第一至第三

上兩府賀正二啓
上兩府賀冬二啓

上兩府二書
謝兩府三啓
杭州上

上并州判府太師相公

上留守太師侍中
慰太師相公䟽五首

謝人投書
樞密太尉

通判郎中
知郡郎中

賀冬二首
知縣郎中

知郡少卿
常州知郡兵部

台州通判都官
梓夔路鈐轄六宅太保

發運司勲

催發錢帛太博

前蘇州知郡司封

洪州知府待制

相度茶稅太博

渭州知府侍讀侍郎

新越州簽判屯田

狀元學士

楚州知郡職方

知府密學諫議

知郡郎中

雜還賀正二首

衛州知郡觀察太傅

雜還

新越州知府密學

上殿薦馮京劄子

臣近蒙恩除知制誥臣不敢輒為辭讓然臣獨有所
未安者敢言之臣皇祐元年及第是歲狀元馮京今
為龍圖閣待制知江寧府顧京官次乃在臣下者由
京避今宰相富弼親嫌不得知制誥為中書屬官也
京始與石楊休並命修起居注繼以唐詢范鎮然皆
在京後楊休詢之試為知制誥京皆不得與末乃與
鎮並試而除知制誥今詢鎮皆以次補為學士而京
運換三州不一遷且京自以狀元及第而其初命修
起居注時富弼尚未為宰相則京之進用固不由於

弼矣以詢鎮臣言之則非平時用人先後之體以親
嫌言之則非聖朝大公平施之道京材質甚美中外
所稱不應留滯凡此三者臣愚以謂皆非所宜伏望
陛下特出聖斷進京之職得比衆人以盡公議臣亦
因得以安不勝區區取進止

舍人院連署奏乞召張瓌還職狀

臣等伏以張瓌前因命劉沆贈官制詞事遂出補郡
追原其意為過本薄故朝廷亦不深譴今下遷于遠
粗足塞責而本院供職者少且瓌材質之美有補朝

迂不宜留滯於外臣等竊以謂可召環還職使在侍
從備顧問與論議亦朝廷急材助治之一也臣等不
勝拳拳愚慮謹具狀奏聞伏候勅旨

薦胡宗愈呂惠卿劄子

臣伏見光祿寺丞監楚州糧料院胡宗愈權永興軍
節度掌書記監杭州清酒務呂惠卿二人並修身高
材好學不倦其議論文章皆足以過人又皆明習世
務可施有政為朝廷之用伏望陛下特賜采擇毋使
留滯以屬士大夫之望後有不如所舉臣當連坐其

罪取進止

薦呂惠卿孫侂常秩狀

臣伏見權永興軍節度掌書記監杭州清酒務呂惠卿學有操術材劇器博試祇書省校書郎孫侂志行剛烈特達不群試將作監主簿常秩經明義修安於窮賤凡此三人皆當今士大夫之高選舉而用之無所不宜而臣之所知亦無以過此伏乞朝廷采擇任使後有不如所舉臣當連坐其罪

上殿薦王回孫侂常秩劄子

臣伏見前亳州衛真縣主簿王回試祕書省校書郎
孫侔試將作監主簿常秩三人並躬修道德畜其術
業施於有政無所不宜天下士大夫所共推高以為
不及臣竊謂方今朝廷求人如不足天下賢士大夫
略以舉用如回侔秩固應在衆人之先而不宜在後
伏乞陛下特賜召命寘之臺閣以觀其能它後小有
不如所舉臣當坐欺罔之罪取進止

薦孫侔狀

臣伏見試祕書省校書郎孫侔節行文學名在朝廷

今閒居湖州安其賤貧守道愈篤東南學者莫不願
得以為師臣本州為兩浙諸郡首學者甚衆而州學
獨無官欲望朝廷特除侔一職事官管勾本州學使
州之學者有所歸又以風朝廷尊賢養士之意於天
下臣不勝所願

乞舉府界知縣劄子

臣伏見開封府所領十七縣其知縣皆用京朝官獨
考城等七縣用近制奏舉頗為得人餘皆審官院差
而不得人者十常五六王畿之內風化之本四方是

則苟令長非其人則征賦不均獄訟不平百姓受其
弊非所以長風化示四方也臣欲乞今後開封祥符
兩縣知縣從朝廷選差外其餘十五縣並令本府與
府界提點司推擇能吏連狀舉奏如任內犯入已贓
及職事不舉坐以黜免者所舉官並與同罪取進止

乞罷府事劄子第一

臣本府今月七日准勅斷左軍院官吏為勘傳求
昌公事已施行訖臣躬被聖選攝行尹事而明不能
以辨訟威不足以制吏使中都之獄有無辜之訴御

史以聞參質明備聖君仁厚悉從寬貸然此豈特小吏薄責而已其大咎乃在臣也方朝廷總覈名實以革事弊群臣之政顧臣敢獨苟免以虧大治臣前此已具面奏伏乞即賜褫免以全至公以盡人言臣無任傍徨殞越之至臣見待罪在府未敢入赴朝參未敢便行交割本職公事聽候指揮次

第二

臣蒙恩待罪京府今已踰歲臣本無狀自知甚明其初被命實貪聖主特達之遇乃不自量冀竭其愚幸

有所立以謝萬分故自居職以來夙夜惴惴不敢自
暇而驚朽之質果不可彊凡臣之所能既以止矣而
臣之所治未有聞也雖聖主寬大之恩務欲盡臣下
之技不急譴誅即復假臣以日月之効而臣之設施
亦不可復加朝廷士大夫之議亦不肯容臣而且為
聖朝之累矣伏望 陛下深計京邑之重不可以曠
不治審察臣之不肖終不可責以有成推擇材吏使
以代臣臣或尚得竊食苟容則丐一閑州猶敢為陛
下奉行法令撫養百姓必答天地之施臣不勝幸甚

取進止

第三

臣近嘗具奏以臣到府踰年職事無狀乞從罷免守
一閑州而待命二旬未蒙賜可傍徨憂畏不知所措
臣聞君試臣以職而攷其實弗効者黜臣事君以身
而盡其力不能者退此朝廷治否常必由之而不可
因循苟簡者也伏念臣材質淺薄曾不敢望中人而
致身待從已非所據又誤當推選使治京邑視事已
來既一歲矣都城之內姦薄之俗未嘗革也穿窬之

盜未掌絕也囹圄之繫未掌虐也此三者乃京邑之
先務而臣在職不為不久獨無一可紀者其試用弗
効亦已明甚然則雖欲不自引効以退寧不畏人之
言哉方陛下奮軋剛厲威斷躬親庶政總覈名實以
臨群臣而京邑四方之則治遠者必自近始可使非
其人而付之以輕天下之望乎臣願陛下深察而留
意即賜罷免臣不勝幸甚况今在廷之臣皆一時材
能之選莫不過絕於臣舉以代臣無不可者臣如蒙
天之幸未就誅棄尚獲備群臣之後者猶冀得一小

州畢其餘力以謝陛下臣不勝悃悃祈俟之至取進止

上兩府賀正二啓

伏以推二氣之元求三統之會斯得天數以為王正維廊廟之尊有神明之相與時協應介福無彊恭以某官以真儒之材對太平之運咸有一德寵綏四本朝泰華之基方傳之而不拔群公股肱之體固共之以無窮迎蹈靈辰擁全多祉某居藩有守拜慶無階瞻望門牆傾輸悃悃